

ინტერნეტ-გვერდზე www.tbcbank.ge განთავსებული ფიზიკური პირის საბანკო ოპერაციების წარმოების შესახებ ხელშეკრულების (შემდგომში "ხელშეკრულების") 8.5 პუნქტის შესაბამისად სს "თიბისი ბანკი" გათვალისწინებული ხელშეკრულებაში შემდეგი ცვლილებების (დამატებების) შეტანას:

შეიცვალოს ხელშეკრულების 3.2.2 ქვეპუნქტი და ჩამოყალიბდეს შემდეგი რედაქციით:
"3.2.2 შეცდომით ჩარიცხული თანხების უკან დასაბრუნებლად;"

შეიცვალოს ხელშეკრულების 3.2.3 ქვეპუნქტი და ჩამოყალიბდეს შემდეგი რედაქციით:
"3.2.3 ბანკის წინაშე არსებული ნებისმიერი სახის დავალიანების დასაფარავად ან ვალდებულების შესასრულებლად (იმ შემთხვევაში, თუ დავალიანება ან ვალდებულება დაფიქსირებულია ეროვნული ვალუტისგან განსხვავებულ ვალუტაში, ეკვივალენტი დგინდება ბანკის მიერ თანხის ჩამონერის მომენტისათვის დადგენილი კურსით);"

შეიცვალოს ხელშეკრულების 5.1.3 ქვეპუნქტი და ჩამოყალიბდეს შემდეგი რედაქციით:
"5.1.3 ყოველი ახალი ანგარიშის გახსნის მოთხოვნასთან ერთად ბანკს წარუდგინოს ბანკის მიერ მოთხოვნილი დოკუმენტები კლიენტის საგადასახადო/სამეწარმეო სტატუსის შესაბამისად;"

შეიცვალოს ხელშეკრულების მე-6 მუხლი და ჩამოყალიბდეს შემდეგი რედაქციით:

“6. მხარეთა პასუხისმგებლობა

- 6.1 ამ ხელშეკრულებით ნაქისრი ვალდებულებების სრულყოფილად და დროულად შეუსრულებლობის შემთხვევაში მხარეები პასუხს აგებენ ამ ხელშეკრულებითა და საქართველოს კანონმდებლობით გათვალისწინებული წესით.
- 6.2 ბანკი პასუხისმგებელია კლიენტის წინაშე საბანკო ოპერაციების ზუსტად და დროულად განხორციელებისთვის. ბანკის მიზიჯებით ანგარიშიდან თანხის არასწორად ჩამონერის, ან ანგარიშზე თანხების ჩარიცხვის ვადების დარღვევისათვის ბანკი იხდის პირგასამტეხლოს შესაბამისი თანხის 0,05%-ის ოდენობით, ან კანონმდებლობის შესაბამისად, ყოველი ვადაგადაცილებული საბანკო დღისათვის.
- 6.3 ამ ხელშეკრულების 2.3 პუნქტით გათვალისწინებული ვალდებულებების დროულად შეუსრულებლობის შემთხვევაში, კლიენტი ვალდებული იქნება გადაუხადოს ბანკს პირგასამტეხლო 0,05%-ის ოდენობით, ან კანონმდებლობის შესაბამისად, ყოველი ვადაგადაცილებული დღისათვის.
- 6.4 პირგასამტეხლოს გადახდა დამრღვევს არ ათავისუფლებს ხელშეკრულებით გათვალისწინებული ვალდებულებების შესრულებისაგან.
- 6.5 ბანკი არ არის პასუხისმგებელი:
 - 6.5.1 ვალდებულების შეუსრულებლობისათვის, თუ ეს გამომწვეულია კლიენტის "საგადახდო დავალებაში", ან სხვა რომელიმე საბუთში აღნიშნული მიმღები ან შუამავალი ბანკის ნებისმიერი ქმედებით ან/და შეცდომით, ან ბანკისაგან დამოუკიდებელი ნებისმიერი სხვა მიზეზით;
 - 6.5.2 შედეგებზე, რომლებიც გამომწვეულია:
 - 6.5.2.1 კლიენტის დავალებით ოპერაციის განხორციელებით;
 - 6.5.2.2 კლიენტის ან სხვა პირის კუთვნილი ყომპიუტერის, ტელეფონის აპარატის ან/და სხვა მოწყობილობისა თუ ატჯერვილობის (მათი რომელიმე ნაწილის ან/და აქსესუარის) ან/და პროგრამული უზრუნველყოფის გაუმართაობით;
 - 6.5.2.3 ტელეკომუნიკაციების ოპერატორის, ინტერნეტ-პროვაიდერის ან/და ნებისმიერი სხვა პირის მიზეზით;
 - 6.5.2.4 კლიენტის მიერ განაცხადის ან/და განცხადების არასწორი ან არასრულყოფილი შევსებით;
 - 6.5.2.5 კლიენტის მიერ ბანკისთვის მიწოდებული ინფორმაციის უსწორობით ან/და უზუსტობით;
 - 6.5.2.6 კლიენტის მიერ ამ ხელშეკრულებით ნაქისრი ვალდებულებების შეუსრულებლობით;
 - 6.5.2.7 კლიენტისთვის ამ ხელშეკრულებით მინიჭებული უფლებების კლიენტის მიერ გამოყენებლობით.
 - 6.5.2.8 ბანკის მიერ გავრცელებულ საინფორმაციო მასალაში მოცემული რეკომენდაციების კლიენტის მიერ შეუსრულებლობით.
 - 6.5.2.9 კლიენტის დავალებით გადარიცხული თანხის მიმღების ან/და ნებისმიერი სხვა პირის მიზეზით.
- 6.6 მხარეები თავისუფლდებიან პასუხისმგებლობისგან ხელშეკრულებით ნაქისრი ვალდებულებების შეუსრულებლობის გამო, თუ ეს გარემოებები გამომწვეულია დაუძლეველი (გადაუღებავი) ძალის პირდაპირი ზემოქმედებით, კერძოდ: წყალდიდობით, მიწისძვრით, ხანძრით, გაფიცვით, სამხედრო მოქმედებით, ბლოკადით, სახელმწიფო ორგანოების აქტით ან ქმედებით და სხვა (ფორს-მაჟორული გარემოებები). ფორს-მაჟორული გარემოების დადგომისას მხარეები ვალდებული არიან დაყოვნებლივ შეატყობინონ ამის შესახებ მეორე მხარეს. მხარეების მიერ ხელშეკრულებით ნაქისრი ვალდებულებების შესრულება გადაიდება ფორს-მაჟორული გარემოებების ლიკვიდაციამდე."

შეიცვალოს ხელშეკრულების 7.2 პუნქტი და ჩამოყალიბდეს შემდეგი რედაქციით:
"7.2 ბანკი ვალდებულია დაიცვას კლიენტთან დაკავშირებული საბანკო ოპერაციების და ანგარიშების შესახებ ინფორმაციის საიდუმლოება, რომელიც ცნობილი გახდა მისთვის კლიენტთან საქმიანი ურთიერთობისას, გარდა კანონმდებლობით გათვალისწინებული შემთხვევებისა, ან თუ საქმე ეხება ჩვეულებრივ საბანკო

ინფორმაციას საერთაშორისო ან/და ადგილობრივი საბანკო პრაქტიკის შესაბამისად, რომლის გამყარებებიც არ ილახება კლიენტის ინტერესები. ეს მოვალეობა ძალაშია ხელშეკრულების შეწყვეტის შემდეგაც.”

შეივალოს ხელშეკრულების 7.4 პუნქტი და ჩამოყალიბდეს შემდეგი რედაქციით:

“7.4 ბანკის მიერ განუული მომსახურების გაუმჯობესების ან ხელშეკრულებით ნაყისრი ვალდებულებების შესრულების მიზნით კლიენტი თანახმაა, რომ ბანკმა კლიენტის საბანკო ანგარიშებისა და ოპერაციების შესახებ მის ხელთ არსებული ინფორმაცია ისევე, როგორც კლიენტის პერსონალური მონაცემები ამ ინფორმაციის კონფიდენციალობის დაცვის პირობით გადასცეს სხვა ფინანსურ ინსტიტუტებს ან/და ბანკთან სახელშეკრულებო ურთიერთობაში მყოფ პირებს.”

შეივალოს ხელშეკრულების 7.7 პუნქტი და ჩამოყალიბდეს შემდეგი რედაქციით:

“7.7 კლიენტი ბანკს ანიჭებს უპირობო უფლებას ამ ხელშეკრულების მოქმედების პერიოდში ნებისმიერ დროს, კლიენტის დამატებითი თანხმობის გარეშე:

- 7.7.1 გაეცნოს კლიენტის საკრედიტო ისტორიას საკრედიტო საინფორმაციო ბიუროს მონაცემთა ბაზაში;
- 7.7.2 მოითხოვოს და მიიღოს კლიენტის შესახებ ნებისმიერ პირთან თუ ადმინისტრაციულ ორგანოში (მათ შორის სამოქალაქო რეესტრის სააგენტოს მონაცემთა ბაზაში) არსებული ნებისმიერი სახის პერსონალური ინფორმაცია (მონაცემები, ჩანაწერები ან/და საბუთები);
- 7.7.3 სასამართლოს ან/და არბიტრაჟს გადასცეს ნებისმიერი ინფორმაცია კლიენტის შესახებ (მათ შორის მონაცემები კლიენტის საბანკო ანგარიშების, შესრულებული ოპერაციების, ანგარიშებზე არსებული ნაშთების, კლიენტის ვალდებულებების შესახებ) და კლიენტთან დაკავშირებული ნებისმიერი დოკუმენტი (მათ შორის განცხადებები, ხელშეკრულებები, შეთანხმებები და სხვა);
- 7.7.4 ნებისმიერი საშუალებით გაავრცელოს ინფორმაცია კლიენტის მიერ ბანკის წინაშე ნაყისრი ვალდებულების დარღვევის შესახებ;
- 7.7.5 კლიენტის თავდაცვას და პირებს, რომელთა ქონებითაც უზრუნველყოფილია კლიენტის ვალდებულებების შესრულება მიაწოდოს ინფორმაცია ბანკის მიმართ კლიენტის ვალდებულებების შესახებ.

შეივალოს ხელშეკრულების 7.8 პუნქტი და ჩამოყალიბდეს შემდეგი რედაქციით:

“7.8 კლიენტი ბანკს ათავისუფლებს ამ ხელშეკრულების 7.7.1 და 7.7.2 ქვეპუნქტების საფუძველზე მიღებული ინფორმაციის საიდუმლოების დაცვის ვალდებულებისგან და აცხადებს უარს ამ ხელშეკრულების 7.7 პუნქტში აღწერილი ინფორმაციის ბანკის მიერ გამჟღავნებით ან/და მესამე პირისთვის გადაცემით მიყენებული ზიანის ანაზღაურებაზე.

შეივალოს ხელშეკრულების 7.9 პუნქტი და ჩამოყალიბდეს შემდეგი რედაქციით:

“7.9 კლიენტი თანხმობას აცხადებს ბანკის მიერ განხორციელებულ აქციებში მონაწილეობასა და ამ აქციების პირობებზე.”

შეივალოს ხელშეკრულების 8.12 პუნქტი და ჩამოყალიბდეს შემდეგი რედაქციით:

“8.12 მხარეები თანხმებიან, რომ ბანკის ინტერნეტ-გვერდზე განთავსებულ და ბანკის მონაცემთა ბაზებში (კომპიუტერულ პროგრამებში) დაცულ ინფორმაციას, ამ ინფორმაციის ბანკის მიერ დამზადებულ ელექტრონულ ასლებსა და ამონაბეჭდებს, რომლებიც დამონტაჟებულია ბანკის დირექტორის ან მის მიერ უფლებამოსილი პირის ხელმოწერით, აქვთ მტკიცებულებითი ძალა ამ ხელშეკრულებით გათვალისწინებულ ურთიერთობებთან დაკავშირებული ფაქტების არსებობა-არარსებობის დადასტურების მიზნებისთვის.”

შეივალოს ხელშეკრულების 8.17.9 ქვეპუნქტი და ჩამოყალიბდეს შემდეგი რედაქციით:

“8.17.9 საარბიტრაჟო განხილვის დაწყებამდე ან განხილვის ნებისმიერ სტადიაზე, საბოლოო საარბიტრაჟო გადაწყვეტილების გამოცანამდე, ბანკს შეუძლია შეამდგომლობით მიმართოს არბიტრაჟს საარბიტრაჟო სარჩელის (პრეტენზიის) უზრუნველყოფის ღონისძიების გამოყენების შესახებ;

შეივალოს ხელშეკრულების 8.17.10 ქვეპუნქტი და ჩამოყალიბდეს შემდეგი რედაქციით:

“8.17.10 არბიტრაჟის მიერ ბანკის მოთხოვნით გამოყენებულ საარბიტრაჟო სარჩელის (პრეტენზიის) უზრუნველყოფის ღონისძიებებს აქვთ სავალდებულო ძალა და მათი აღსრულება დასაშვებია არბიტრაჟის მიერ გაცემული სააღსრულებო ფურცლის (წარწერის) საფუძველზე სასამართლოსთვის მიმართვისა და სასამართლოს მიერ ცნობის (აღიარების) გარეშე.”

შეივალოს ხელშეკრულების 8.18 პუნქტი და ჩამოყალიბდეს შემდეგი რედაქციით:

“8.18 იმ შემთხვევაში, თუ ბანკის (როგორც იპოთეკარის ან/და მოგირავნის) მიერ იპოთეკის ან/და გირავნობის საგნის საკუთრებაში მიღების მომენტისთვის იპოთეკის ან/და გირავნობის საგნის ღირებულება იქნება უზრუნველყოფილი მოთხოვნის მოცულობაზე ნაკლები ან თუ იპოთეკის ან/და გირავნობის საგნის რეალიზაციით მიღებული თანხა არ იქნება საკმარისი უზრუნველყოფილი მოთხოვნის სრულად დასაფარავად, უზრუნველყოფილი მოთხოვნა დაკმაყოფილებულად ჩაითვლება მხოლოდ იპოთეკის ან/და გირავნობის საგნის ღირებულების ან იპოთეკის ან/და გირავნობის საგნის რეალიზაციით მიღებული თანხის ტოლი ოდენობით.”

შეიცვალოს ხელშეკრულების 8.19 პუნქტი და ჩამოყალიბდეს შემდეგი რედაქციით:

“8.19 ბანკს უფლება აქვს მოითხოვოს აღსრულების მიქვევა კლიენტის ნებისმიერ ქონებაზე (კლიენტის კუთვნილ ნებისმიერ ნივთსა და არამატერიალურ ქონებრივ სიკეთეზე) მიუხედავად იმისა უზრუნველყოფილია, თუ არა კლიენტის ვალდებულება (ბანკის მოთხოვნა) სანივთო უფლებით (იპოთეკით, გირავნობით).”

შეიცვალოს ხელშეკრულების 9.2-9.4 პუნქტებისა და მათი ქვეპუნქტების ნუმერაცია.

შეიცვალოს ხელშეკრულების 10.1.5-10.1.8 ქვეპუნქტების და მათი ქვეპუნქტების ნუმერაცია.

ხელშეკრულებიდან ამოღებული იქნეს 9.5 პუნქტი.

ხელშეკრულებიდან ამოღებული იქნეს 10.1.9 ქვეპუნქტი.

შეიცვალოს ხელშეკრულების 12.1.4 ქვეპუნქტი და ჩამოყალიბდეს შემდეგი რედაქციით:

“12.1.4 ბარათით სარგებლობის წესები დეტალურად მოცემულია „ვიზა“ (VISA) და „მასთერქარდ“ (MasterCard) საერთაშორისო საგადასახდელი სისტემების პროცედურების შესაბამისად ბანკის მიერ შედგენილ საინფორმაციო მასალაში, რომელიც ბარათის მფლობელს გადაეცემა ბარათთან ერთად. „ვიზა“ (VISA) და „მასთერქარდ“ (MasterCard) საერთაშორისო საგადასახდელი სისტემების პროცედურები და წესები წარმოადგენს ამ ხელშეკრულების განუყოფელ ნაწილს.”

შეიცვალოს ხელშეკრულების 12.3.5 ქვეპუნქტი და ჩამოყალიბდეს შემდეგი რედაქციით:

“12.3.5 არასანქცირებული ოვერდრაფტის წარმოშობის შემთხვევაში ბარათის მფლობელი ვალდებული იქნება დაუყოვნებლივ შეავსოს თანხა მინიმალური ნაშთის ოდენობამდე.”

შეიცვალოს ხელშეკრულების 12.5.5-12.5.7 ქვეპუნქტების ნუმერაცია.

ხელშეკრულებას დაემატოს შემდეგი შინაარსის მე-13 მუხლი:

„13. მომსახურება მოკლე ტექსტური შეტყობინებებით (SMS სერვისი)

13.1 მომსახურების აღწერა

13.1.1 მოკლე ტექსტური შეტყობინებებით მომსახურება გულისხმობს კლიენტის მიერ ბანკში გამოუცხადებლად მის მიერ ბანკისთვის წარდგენილ განაცხადში დაფიქსირებული მობილური ტელეფონის ნომრის მეშვეობით სპეციალური მოკლე ტექსტური შეტყობინების ამისთვის განსაზღვრულ ნომერზე გაგზავნით ბანკის მიერ განსაზღვრული:

13.1.1.1 საბანკო ინფორმაციის მიღებას;

13.1.1.2 ლიმიტების ფარგლებში სხვადასხვა საბანკო ოპერაციის განხორციელებას.

13.1.2 მოკლე ტექსტური შეტყობინებებით მომსახურების მიღებისთვის კლიენტმა ბანკს უნდა მიმართოს განაცხადით ამ ხელშეკრულების 1.2 პუნქტის შესაბამისად ან ამ ხელშეკრულების 11.2.1 ქვეპუნქტში აღნიშნული კოდის გამოყენებით დაუკავშირდეს ბანკის სატელეფონო სერვისცენტრს (ნომერზე +99532 272727). განაცხადებაში ან სატელეფონო საუბრისას კლიენტმა უნდა მიუთითოს მობილური ტელეფონის ნომერი და მისი საბანკო ანგარიში, რომელთა გამოყენებითაც მოხდება მოკლე ტექსტური შეტყობინებებით მომსახურება.

13.1.3 მოკლე ტექსტური შეტყობინებებით მომსახურებაზე ვრცელდება ამ ხელშეკრულების პირობები ამ მუხლით დადგენილი გამონაკლისების გავალისწინებით.

13.1.4 ამ ხელშეკრულების მე-13 მუხლში მოცემული პირობები გამოიყენება კლიენტის უკლებლივ ყველა საბანკო ანგარიშთან მიმართებით. კლიენტის მიერ ბანკში ახალი ანგარიშის გახსნისას მოკლე ტექსტური შეტყობინებებით მომსახურება განხორციელდება ამ ხელშეკრულების პირობების შესაბამისად. ამ შემთხვევაში ბანკსა და კლიენტს შორის არ გაფორმდება ახალი ხელშეკრულება და ახალ ანგარიშზე გავრცელდება ამ ხელშეკრულების პირობები.

13.2 მხარეთა უფლებები და ვალდებულებები

13.2.1 კლიენტი ვალდებულია:

13.2.1.1 მოკლე ტექსტური შეტყობინება გაგზავნოს ბანკის მიერ მითითებულ ნომერზე ბანკის მიერ გავრცელებულ საინფორმაციო მასალაში აღწერილი ფორმატით;

13.2.1.2 არ დაუშვას მისი კუთვნილი მობილური ტელეფონის აპარატის ან/და სიმ-ბარათის მოხვედრა მესამე პირის განკარგულებაში;

13.2.1.3 მობილური ტელეფონის აპარატის ან/და სიმ-ბარათის ან/და ნომრის შეცვლის ან/და დაკარგვის შემთხვევაში დაუყოვნებლივ წერილობით აცნობოს ბანკს ამის შესახებ.

13.2.2 ბანკი ვალდებულია:

13.2.2.1 კლიენტის მიერ ტელეფონის ნომრის შეცვლის ან მობილური ტელეფონის აპარატის ან/და სიმ-ბარათის დაკარგვის თაობაზე ზეპირი (ტელეფონით), წერილობითი, ან ინტერნეტ-ბანკის მეშვეობით შეტყობინების საფუძველზე უზრუნველყოს მოკლე ტექსტური შეტყობინებებით მომსახურების შეჩერება კლიენტის მხრიდან ახალი დავალების მიღებამდე. ზეპირი შეტყობინების

შემთხვევაში კლიენტის იდენტიფიკაცია მოხდება სატელეფონო კოდის, ან დამატებითი კითხვების მეშვეობით.

13.2.3 ბანკი უფლებამოსილია:

13.2.3.1 არ შეასრულოს კლიენტის დავალება კლიენტის ანგარიშზე საკმარისი თანხის არარსებობის ან/და კლიენტის მიერ ბანკისთვის არასწორი (ამ ხელშეკრულების ან ბანკის მიერ გავრცელებული საინფორმაციო მასალის პირობებთან შეუსაბამო) შეტყობინების გაგზავნის ან ბანკის მიმართ კლიენტის დავალიანების არსებობის შემთხვევაში;

13.2.3.2 კლიენტს გაუზავნოს სარეკლამო შინაარსის მოკლე ტექსტური შეტყობინებები;

13.2.3.3 კლიენტს გაუზავნოს მოკლე ტექსტური შეტყობინება კრედიტის (სესხის, ოვერდრაფტის, საკრედიტო ლიმიტის ან/და სხვა საკრედიტო პროდუქტის) ოდენობის, დაფარვის თარიღის ან/და დავალიანების შესახებ (ბანკი არ არის ვალდებული კლიენტს გაუზავნოს ასეთი შეტყობინება და ნებისმიერ შემთხვევაში, მოუხედავად იმისა, მიიღებს თუ არა ბანკის შეტყობინებას, კლიენტი ვალდებულია დროულად დაფაროს კრედიტი (სესხი, ოვერდრაფტი, საკრედიტო ლიმიტი ან/და სხვა საკრედიტო პროდუქტი) და გადაიხადოს სხვა გადასახდელები (საპროცენტო სარგებელი, პირგასამტეხლო, საკომისიო და სხვა).”

ამოღებული იქნეს 15.4.9 ქვეპუნქტი.

შეიცვალოს ხელშეკრულების მე-18 მუხლი და ჩამოყალიბდეს შემდეგი რედაქციით:

“18. სამომხმარებლო სესხი

- 18.1 სამომხმარებლო სესხი არის საბანკო კრედიტი, რომელსაც ბანკი გაცემს ამ მუხლით გათვალისწინებული გამარტივებული წესით.
- 18.2 სამომხმარებლო სესხის მისაღებად კლიენტმა (მსესხებელმა) ბანკს უნდა მიმართოს განაცხადით ან დაუკავშირდეს ბანკის სატელეფონო სერვისცენტრს (ნომერზე +99532 272727).
- 18.3 ბანკი განიხილავს კლიენტის განაცხადს და მიიღებს გადაწყვეტილებას სამომხმარებლო სესხის გაცემის ან გაცემაზე უარის თქმის შესახებ (ბანკი არ არის ვალდებული განმარტოს უარის თქმის მიზეზი).
- 18.4 სამომხმარებლო სესხის გაცემის შესახებ გადაწყვეტილების მიღების შემთხვევაში ბანკი კლიენტის (მსესხებლის) ანგარიშზე ჩარიცხავს კრედიტის თანხას.
- 18.5 კრედიტის მიღების შემდეგ კლიენტი (მსესხებელი) ვალდებული იქნება დააბრუნოს ის და გადაიხადოს საპროცენტო სარგებელი ბანკთან შეთანხმებული პირობების შესაბამისად.
- 18.6 ბანკს უფლება აქვს ნებისმიერ დროს მოსთხოვოს კლიენტს (მსესხებელს) სწრაფი სამომხმარებლო სესხის უზრუნველსაყოფად მასთან იპოთეკის/გირავნობის ხელშეკრულების დადება ან თავდებობის/საბანკო გარანტიის ბანკისთვის წარდგენა. ამ შემთხვევაში კლიენტი (მსესხებელი) ვალდებული იქნება ბანკის მოთხოვნის მიღებიდან არაუგვიანეს 5 (ხუთი) სამუშაო დღისა დადოს ბანკთან შესაბამისი ხელშეკრულება ბანკის მიერ განსაზღვრული წესითა და პირობებით.
- 18.7 ბანკს უფლება აქვს, კლიენტის (მსესხებლის) მიერ ყოველთვიურად გადასახდელი თანხის ან პირგასამტეხლოს დროულად გადაუხდელობის ან სხვა მნიშვნელოვანი საუძვლის არსებობის შემთხვევაში ცალმხრივად შეწყვიტოს საკრედიტო ურთიერთობა ან/და მოსთხოვოს მსესხებელს კრედიტის სრულად დაბრუნება და მისთვის დარიცხული გადასახდელების (სარგებლისა და პირგასამტეხლოს) სრულად გადახდა.
- 18.8 კლიენტის მიერ კრედიტის დასაფარავად ბანკისთვის გადაცემული ან კლიენტის ანგარიშზე არსებული თანხით პირველ რიგში დაიფარება სადაზღვევო პრემია, შემდეგ პირგასამტეხლო ვადაგადაცილებისათვის (ასეთის არსებობის შემთხვევაში), შემდეგ სარგებელი და ბოლოს კრედიტის ძირითადი თანხა (კლიენტი ბანკს უფლებას ანიჭებს ცალმხრივად შეცვალოს ამ პუნქტში მოცემული წესი).
- 18.9 იმ შემთხვევაში თუ კლიენტს არ აქვს გახსნილი საანგარიშსწორებო (მიმდინარე) ანგარიში, სამომხმარებლო სესხის გაცემაზე გაიხსნება საანგარიშსწორებო (მიმდინარე) ანგარიში.
- 18.10 კრედიტის ძირითადი თანხის ან/და მისთვის დარიცხული საპროცენტო სარგებლის დროულად გადაუხდელობის შემთხვევაში კლიენტი (მსესხებელი) ვალდებული იქნება გადაუხადოს ბანკს პირგასამტეხლო მხარეთა შორის შეთანხმებული ოდენობით.
- 18.11 კრედიტს პირგასამტეხლო არ დაერიცხება, თუ თანხის შეტანის თარიღი დაემთხვევა უქმე ან დასვენების დღეს. ამ შემთხვევაში მსესხებელი ვალდებული იქნება გადასახდელი თანხა შეიტანოს მომდევნო სამუშაო დღეს.
- 18.12 ამ ხელშეკრულებით კლიენტი აცხადებს თანხმობას, რომ მისი განაცხადი (სატელეფონო საუბრის ჩანაწერი) დაფიქსირდეს ბანკის მონაცემთა ელექტრონულ ბაზაში და დავის შემთხვევაში ასეთ ჩანაწერს ჰქონდეს მტკიცებულებითი ძალა (გამოყენებული იქნეს მტკიცებულებად). ჩანაწერი მიიჩნევა ბანკის საკუთრებად და ბანკი უფლებამოსილია, არ გადასცეს ის კლიენტს, სასამართლოს გადაწყვეტილების გარეშე.”

შეიცვალოს ხელშეკრულების 22.2 პუნქტი და ჩამოყალიბდეს შემდეგი რედაქციით:

“22.2 კრედიტის ნაწილის წინსწრებით დაფარვის შემთხვევაში, ბანკს უფლება ექნება ცალმხრივად შეცვალოს კრედიტის დაფარვის გრაფიკი (შეადგინოს ახალი გრაფიკი) და ამ შემთხვევაში მსესხებელი ვალდებული იქნება კრედიტი დაფაროს ბანკის მიერ შედგენილი ახალი გრაფიკის მიხედვით.”